


# Kad caj ada kelebihan tersendiri

Pelanggan dibenar buat urus niaga melebihi had maksimum jika patuhi syarat



## URUS WANG ANDA

Oleh Azli Ayob  
azliayob@bharian.com.my


**K**INI semakin ramai yang menggunakan kad sebagai kaedah pembayaran dan antara yang popular ialah kad kredit.

Namun dewasa ini semakin ramai yang memilih menggunakan kad debit dengan pembayaran dipotong daripada akaun simpanan, justeru mereka tidak berhutang.

Kad kredit pula mempunyai had kredit yang ditetapkan pihak bank mengikut pendapatan bulanan seseorang.

Bagaimanapun jika anda inginkan had kredit yang lebih tinggi daripada kad kredit, anda boleh menimbang untuk mendapatkan kad caj.

Dengan menggunakan kad caj, nilai urus niaga yang melebihi had maksimum mungkin dibenarkan, bergantung kepada



KUMPULAN perbankan terbesar tempatan, Maybank adalah antara pengeluar kad caj utama di Malaysia menggunakan jenama American Express.

syarat yang ditetapkan oleh pengeluar kad.

Mungkin di situ ada kelebihannya berbanding penggunaan kad kredit, namun anda perlu menilainya sendiri sebelum memohon untuk mendapatkan kad caj.

Jika anda seorang yang boleh menjelaskan baki dengan sepenuhnya bila tiba waktunya supaya tidak dikenakan caj tertentu dan anda memer-

lukan instrumen pembayaran yang mudah dalam menguruskan pembayaran harian anda, kad caj mungkin sesuai untuk anda.

Jika tidak, anda mungkin perlu menggunakan kad pembayaran lain seperti kad debit dan kad simpan nilai yang mana anda hanya boleh berbelanja setakat baki di dalam akaun anda atau nilai wang yang ditambah

nilai dalam kad simpan nilai.

Apakah perbezaan antara kad caj dan kad kredit? Meskipun kad caj dan kad kredit membolehkan anda menjalankan transaksi tanpa tunai, ada perbezaan di antara kedua-dua jenis kad itu.

Perbezaan utama ialah jumlah yang perlu dibayar sebelum atau pada tarikh tamat tempoh.

Bagi kad caj, baki be-

lum jelas perlu dibayar sepenuhnya sebelum atau pada tarikh tamat tempoh dan tiada faedah akan dikenakan.

Bagaimanapun, anda akan dikenakan caj bayaran lewat jika gagal menjelaskan baki belum jelas sepenuhnya sebelum atau pada tarikh tamat tempoh.

Caj bayaran lewat adalah antara tiga peratus hingga 3.5 peratus sebulan (atau 36 peratus hingga 42 peratus setahun) atas baki belum jelas.

Bagi kad caj Islam, caj ganti rugi akan dikenakan setakat jumlah maksimum yang dibenarkan, iaitu kebiasaannya sebanyak RM70 sebulan.

Lazimnya, pengeluar kad caj akan membatalkan perkhidmatan kad caj anda jika anda melanggar syarat pembayaran balik untuk beberapa bulan dan tempoh itu, biasanya berbeza-beza bergantung kepada dasar dalaman pihak pengeluar.

Sementara itu, bagi kad kredit pula, anda boleh membayar baki belum jelas sepenuhnya pada atau sebelum tarikh tamat tempoh, ataupun membuat pembayaran bulanan

minimum, yang biasanya lima peratus daripada baki belum jelas.

Sungguhpun kad kredit menawarkan kaedah pembayaran balik yang fleksibel, kosnya mungkin agak mahal.

Pengeluar kad kredit biasanya mengenakan caj kewangan sebanyak 18 peratus setahun atas baki belum jelas, dan caj bayaran lewat dikenakan jika anda gagal menjelaskan

sekarang-kurangnya jumlah bayaran minimum bulanan pada atau sebelum tarikh tamat tempoh.

Anda layak untuk memohon kad caj jika anda memenuhi syarat yang ditetapkan oleh pengeluar kad caj.

Lazimnya, syarat kelulusan termasuk bermula sekurang-kurangnya 21 tahun dan berpendapatan minimum sebanyak RM18,000 setahun.

Di Malaysia, kad caj yang dikeluarkan adalah berasaskan konsep konvensional ataupun prinsip Islam.

Contoh kad caj ialah kad American Express, Diners, Club International dan kad HSBC Amanah MasterCard.